

Veličanstvena noć; u zidinama Ferhadije

17/09/2009 12:50 by Administrator

Uspravljamo našu Ferhadiju i gradimo sebe, zidamo kamen ljepotice i uvrstimo vjeru, ali tek sa zvaničnim otvaranjem ove džamije uslijedit će velike promjene. Mi ćemo tada riješiti mnoge nedoumice u sebi, ali će se isto desiti i u bh. politici i našoj državi. Kada Ferhad-pašinu džamiju otvorimo, svim muslimanima vratit ćemo dušu, a Bosni život!

Vraćanje na mjesto

Poručio je to izaslanik Rijaseta Islamske zajednice u BiH hadži Muhamed ef. Salkić preksinoć u Banjoj Luci, gdje su nakon 16 godina među zidinama Ferhadije stotine muslimana klanjale zajednički mevlud koji je organizirao Medžlis IZ Banja Luka.

Na mevludu su bili brojni vjerski i politički zvaničnici, a odazvao se očekivano veliki broj vjernika iz BiH i dijaspora. Prije toga priređen je iftar u Dolačkoj džamiji, kojem su, također, prisustvovali muftija banjalučki Edhem ef. Čamdžić, glavni banjalučki imam Mensur ef. Spahić, svi banjalučki imami, ef. Salkić, predsjednik Medžlisa IZ Banja Luka Kasim Mujić, potpredsjednik SDA Bakir Izetbegović, ministar za izbjegla i raseljena lica RS Omer Branković i brojni prijatelji Muftijstva banjalučkog.

- Dugih 40 godina islam je bio izložen degradaciji i sasvim je prirodno da sada imamo potrebu vraćati na pravo mjesto ono što nam je onemogućavano. Ferhadija je suština svih drugih naših simbola, naših biblioteka, džamija, historijskih sadržaja, ali i razvoja banjanske zajednice i vjerske obnove - rekao je ef. Salkić.

Putokaz svima

Veličanstvena noć bila je dirljiva za sve muslimane koji su preksinoć klanjali u Ferhadiji. Slike nezapamćenih emocija pred banjalučkom džamijom govorile su o osjećanjima stotina dirnutih lica koja su nijemo grlila osvjetljenu građevinu u centru grada. Ovaj trenutak je poseban, rekli su nam, jer predstavlja susret s najranijim uspomnama.

- Nema trenutka da ne pomislim na Ferhadiju. Nije ona značajna samo za život Bošnjaka nego i za srpsko, hrvatsko i jevrejsko stanovništvo. Putokaz i dio života svima je onima koji su odrastali u ovom gradu. Moj prijatelj Vlado, koji je pravoslavac, godinama govori: "Žena i ja prošetamo jedan krug oko Ferhadije." A Ferhadije nema?! Dakle, ona ipak živi, ona je u bitima onih koji znaju suštinu ovog grada, bez obzira na to koje su vjeroispovijesti. Zbog toga sam vam ovo i ispričao - izjavio je za "Dnevni avaz" Banjalučanin Abdurezah Dizdarević.

Srce muslimana

- Iz Njemačke sam s porodicom došla da veras ušivam. Ferhadija je srce muslimana. Mnogi od nas morali su devedesetih godina napustiti rodni grad, ali to srce nije prestajalo kucati. Svaki, i najmanji kamen nama predstavlja život. U zidinama Ferhadije su naši prvi odlasci u dšamiju, prve žetnje, uspomene na sve bajrame, na poglede roditelja, svečanosti. To smo mi i zbog toga ova dšamija nikada nije prestajala živjeti - ispričala nam je preksinoć erifa Memižević.

Vise slika Ferhadije na: www.ferhadija.ba

[uploads/file/ferhadija%207-bl.jpg](#)

Â

Autor: V. STEVANOVIĆ

Izvor vijesti: Dnevni Avaz